

গণপ্রজাতন্ত্রী বাংলাদেশ সরকার  
কাস্টম হাউস আইসিডি, কমলাপুর, ঢাকা।  
টেন্ডার সেল নং-০১/২০২২

টেন্ডার সিডিউল (দরপত্র ফরম ও ক্যাটালগ সংযুক্ত)

নিলাম সংক্রান্ত তথ্যের জন্য যোগাযোগ: সরকারি নিলামকারী: মেসার্স আছম্যান সিভিকিট ২০, উত্তর মুগদালাড়া, বড় মসজিদ, ঢাকা-১২১৪। মোবাইলঃ ০১৮১৯-৬১৩৩৫৮	নিলাম সংক্রান্ত তথ্যের জন্য যোগাযোগ: নিলাম শাখাঃ কাস্টম হাউস, আইসিডি, কমলাপুর, ঢাকা। ওয়েব সাইট: <a href="http://www.chicd.gov.bd">www.chicd.gov.bd</a>
---	---

নিলামের সাধারণ নিয়মাবলী

- ০১। টেন্ডার ড্রপ/ফেলার পূর্বে সম্মানিত দরপত্র দাতাগণকে অবশ্যই নিলাম/টেন্ডারের পণ্য প্রস্তুতকৃত ক্যাটালগের মূল/ সম্পূর্ণক/ সংশোধনী কপি আইসিডি এর নোটিশ বোর্ড হতে অথবা উপরোল্লিখিত নিলামকারীর সাথে যোগাযোগের ঠিকানা হতে নিজ দায়িত্বে সংগ্রহ করে নিশ্চিত হতে হবে। নিলাম অনুষ্ঠানের বিজ্ঞাপন অনুযায়ী নিলাম সময়সূচী ও অন্যান্য বিষয় প্রযোজ্য ও নির্ধারিত হবে। নিলাম সিডিউল ও বিজ্ঞাপনের সাথে জাতীয় রাজস্ব বোর্ডের স্থায়ী আদেশের কোন বিষয় সাংঘর্ষিক হলে স্থায়ী আদেশ প্রাধান্য পাবে।
- ০২। যেকোন লটের মালামালের ক্ষেত্রে ক্যাটালগে বর্ণিত শর্তসমূহ ভালভাবে দেখে অংশগ্রহণ করতে হবে। শর্ত পূরণের সকল দায়িত্ব দরদাতার উপর বর্তাবে। মালামাল গ্রহণের জন্য মনোনীত দরদাতা ক্যাটালগে বর্ণিত সকল শর্ত আবশ্যিকভাবে পূরণ করবেন। শর্ত পূরণে ব্যর্থ হলে নিলাম কর্তৃপক্ষ প্রযোজ্য আইন, বিধি ও আদেশ অনুযায়ী বিষয়টি নিষ্পত্তি করবেন।
- ০৩। দরপত্র ফরমের নির্দিষ্ট স্থানে যে লটের জন্য দরপত্র প্রদান করবেন তার লট নম্বর অবশ্যই লিখতে হবে। টেন্ডার ইনভেলপের উপর স্পষ্ট করে পণ্যের লট নম্বর লিখতে হবে।
- ০৪। দরপত্র প্রদানের ক্ষেত্রে প্রতি লটের জন্য ০১টি সিডিউল ব্যবহার করতে হবে। দুই বা ততোধিক লটের জন্য ০১ টি সিডিউল ব্যবহার করা হলে কোটেশন বাতিল বলে গণ্য হবে। অর্থাৎ যে সংখ্যক লটের জন্য বিডার বিড করবেন তাকে সে সংখ্যক সিডিউল ক্রয় এবং ব্যবহার করতে হবে।
- ০৫। টেন্ডার/কোটেশনের টাকার পরিমাণ দরপত্র ফরমে নির্দিষ্ট স্থানে অবশ্যই অংকে ও কথায় লিখতে হবে। কোন প্রকার শর্তমূলক, ছেঁড়া, ঘষা-মাজা বা অসম্পূর্ণ সিডিউল বিবেচনা করা হবে না। দরপত্রের সাথে দাখিলকৃত সিডিউল ও দরপত্রের নির্দিষ্ট স্থানে টেন্ডার দাতার সীল ও স্বাক্ষর থাকতে হবে। স্বাক্ষর বিহীন টেন্ডার বাতিল বলে গণ্য হবে। প্রতিটি টেন্ডার/সিডিউলের নির্ধারিত স্থানে দরদাতার নাম, ঠিকানা, ফোন নম্বর এবং e-mail address উল্লেখ করতে হবে।
- ০৬। একটি দরপত্রের মাধ্যমে একাধিক লটের জন্য দরপত্র দাখিল করা হলে, তা বাতিল বলে গণ্য হবে।
- ০৭। টেন্ডার দাতাকে সিডিউলে উল্লিখিত লটের অনুকূলে প্রদত্ত কোটেশন মূল্যের/ দরমূল্যের ১০% হারে জামানত, কমিশনার, কাস্টম হাউস, আইসিডি, কমলাপুর ঢাকা এর অনুকূলে জমা করতে হবে। এ জামানত যে কোন তফসিলি ব্যাংক কর্তৃক ইস্যুকৃত পে-অর্ডার/ব্যাংক ড্রাফট এর মাধ্যমে হতে হবে এবং টেন্ডারের সঙ্গে দাখিল করতে হবে। জামানত বিহীন টেন্ডার সরাসরি বাতিল বলে গণ্য হবে। প্রতিটি দরপত্র ফরমের নির্ধারিত স্থানে টেন্ডারের সঙ্গে প্রদেয় পে-অর্ডার এর নম্বর, তারিখ ও টাকার পরিমাণ অংকে ও কথায় উল্লেখ করতে হবে। পে-অর্ডারের কোন ফটোকপি গ্রহণ করা হবে না। পে-অর্ডার/ব্যাংক ড্রাফট ব্যতীত অন্য কোন ইনস্ট্রুমেন্ট যেমন-ব্যাংক এর চেক ইত্যাদি গ্রহণযোগ্য হবে না।
- ০৮। কমিটি কর্তৃক অনুমোদিত টেন্ডার/কোটেশন সমূহের তালিকা নিলাম শাখায় নোটিশ বোর্ডে প্রকাশিত হওয়ার তারিখ হতে পরবর্তী ১২(বার) কার্য দিবসের মধ্যে মালামাল খালাস গ্রহণ করতে হবে। পণ্য খালাসের নির্ধারিত সময়সীমা অতিক্রান্ত হওয়ার পরেও পণ্য খালাস না নিলে বিক্রয় অনুমোদন বাতিল করে জামানত রাষ্ট্রের অনুকূলে বাজেয়াপ্ত করা হবে।
- ০৯। অনিবার্য কারণবশতঃ নির্ধারিত তারিখে নিলাম অনুষ্ঠিত না হলে পরিবর্তিত সময়সূচি কাস্টম হাউস, আইসিডি, কমলাপুর, ঢাকার নোটিশ বোর্ড ও Website এ বিজ্ঞপ্তির মাধ্যমে অবহিত করা হবে।
- ১০। জাতীয় রাজস্ব বোর্ডের স্থায়ী আদেশ নং-৯৩/২০১৯/কাস্টমস, তারিখঃ ২০.০৬.২০১৯ নিলাম সংক্রান্ত অন্যান্য আদেশ ও বিধির আলোকে নিলাম কার্যক্রম পরিচালনা করা হবে।
- ১১। বিক্রয় অনুমোদন প্রাপ্ত সর্বোচ্চ টেন্ডার/কোটেশন দাতা পণ্য খালাসের সময় দরমূল্যের ১০% (দশ) শতাংশ হারে অগ্রিম আয়কর এবং ৭.৫% শতাংশ হারে অগ্রিম ট্রেড ভ্যাট আলাদাভাবে পরিশোধ অথবা বিধি অনুযায়ী নির্ধারিত হারে আয়কর, মূলক ও অন্যান্য কর যদি থাকে তা পরিশোধ করতে বাধ্য থাকবেন।
- ১২। বিক্রয় অনুমোদন প্রাপ্ত টেন্ডার দাতা নিজ দায়িত্বে মালামাল ডেলিভারী গ্রহণ করবে। ডেলিভারী শেষে নিলাম কর্তৃপক্ষ কর্তৃক ডেলিভারীকৃত মালামালের বিষয়ে কোন প্রকার অভিযোগ বা আপত্তি গ্রহণযোগ্য হবে না।
- ১৩। কমিশনার অব্ কাস্টমস, কাস্টম হাউস আইসিডি, কমলাপুর, ঢাকা সিডিউলে অন্তর্ভুক্ত যে কোন পণ্য যে কোন সময় সিডিউল থেকে প্রত্যাহার করতে পারবেন। এরূপ প্রত্যাহারের জন্য আনুপাতিক হারে তার মূল্য ফেরতযোগ্য হবে।
- ১৪। টেন্ডার কার্যক্রমে বিঘ্ন সৃষ্টি হতে পারে এরূপ কোন প্রকার মন্তব্য, মর্যাদা হানিকর উক্তি, বা অসদাচারণের দায়ে অভিযুক্ত ব্যক্তিকে কর্তৃপক্ষ বহিস্কার/টেন্ডার বাতিল করার এবং ভবিষ্যতে টেন্ডারে অংশগ্রহণ হতে বিরত রাখার লক্ষ্যে কালো তালিকাভুক্ত করা অথবা আইন সম্মত অন্য কোন শাস্তিমূলক ব্যবস্থা গ্রহণ করার ক্ষমতা সংরক্ষণ করেন।
- ১৫। ওজন ভিত্তিক পণ্য খালাসযোগ্য হলে "যেখানে যে অবস্থায়/পরিমার্ণ/ওজন সংখ্যায় আছে" সে ভিত্তিতে পণ্য ডেলিভারী নিতে হবে।
- ১৬। কোন লটের বিপরীতে সঠিক প্রাপ্ত সর্বোচ্চ কোটেশন একাধিক পাওয়া গেলে এ রূপে সর্বোচ্চ কোটেশন দাতাগণের উপস্থিতিতে লটারীর মাধ্যমে একজন সর্বোচ্চ টেন্ডার/কোটেশন দাতাকে নির্ধারিত করে তার অনুকূলে বিক্রয় অনুমোদন প্রদান করা হবে।

- ১৭। টেন্ডারে বিক্রিত পণ্য কমিশনার, কাস্টম হাউস আইসিডি, কমলাপুর, ঢাকা অনুমোদন করেছেন কিনা তা দরপত্রদাতাগণ নিজ দায়িত্বে নিলাম শাখার নোটিশ বোর্ডে জারিকৃত বিজ্ঞপ্তি হতে অবহিত হবেন।
- ১৮। সরাসরি ক্রয়ের ক্ষেত্রে নিলামকারীর স্বাক্ষর বিহীন সিডিউল এবং ওয়েবসাইট হতে ক্রয়ের ক্ষেত্রে ৬০০/- টাকার পে-অর্ডার বিহীন সিডিউল সরাসরি বাতিল বলে গণ্য হবে।
- ১৯। অনুমোদিত পণ্যের টাকা জমা দেওয়ার পূর্বে দরপত্র দাতাগণ সংশ্লিষ্ট কর্মকর্তার নিকট হতে উক্ত পণ্যের কোনরূপ জটিলতা আছে কিনা তা অবগত হয়ে টাকা জমা দিতে হবে।
- ২০। কমিশনার, কাস্টম হাউস আইসিডি, কমলাপুর, ঢাকা যে কোন লটারি বিপরীতে প্রদত্ত সর্বোচ্চ দরপত্র/কোটেশন গ্রহণে বাধ্য নয় এবং কোনরূপ কারণ দর্শানো ব্যতিরেকে যে কোন দরপত্র/কোটেশন গ্রহণ বা বাতিল করার ক্ষমতা সংরক্ষণ করবেন।
- ২১। উল্লেখ্য, টেন্ডার অফারে টেন্ডার দাতার নাম ও তার কর্তৃক প্রদত্ত জামানত পে-অর্ডার/বাংক ড্রাফট একই ব্যক্তি/প্রতিষ্ঠানের মনোনীত প্রতিনিধির নাম জাতীয় পরিচয়পত্রের অনুরূপ না হলে সে সমস্ত টেন্ডার/অফার গ্রহণযোগ্য হবে না।
- ২২। তেজস্ক্রিয়তা / বিএসটিআই / অন্যান্য বাসায়নিক পরীক্ষার ক্ষেত্রে বিডার নিজ উদ্যোগে নিজ খরচে পরীক্ষণ কার্যক্রম সম্পন্ন করবেন এবং পরীক্ষার রিপোর্ট সংগ্রহ করে এ দস্তরে দাখিল করে যথাযথ প্রাপ্তি সাপেক্ষে পণ্য খালাস নিবেন। প্রতিটি ক্যাটালগভুক্ত পণ্যের বিপরীতে আমদানি নীতি আদেশে উল্লিখিত শর্ত, রিট মামলা যাচাই ও অন্যান্য শর্তাবলী স্থায়ী আদেশে বর্ণিত নির্দেশনা অনুযায়ী প্রতিপালিত হবে।
- ২৩। নিলামে অংশগ্রহণের পূর্বে নিলাম পণ্য পরিদর্শনের জন্য নির্ধারিত তারিখ ও স্থানে (আইসিডি কাস্টম হাউস এর কন্টেইনার ইয়ার্ড ও গুদাম) উপস্থিত হয়ে বিডার কর্তৃক পণ্যের বর্ণনা, পরিমাণ, গুণগত মান ইত্যাদি সম্পর্কে নিশ্চিত হয়ে দরপত্র দাখিলের জন্য বিশেষভাবে অনুরোধ করা হলো। নিলাম পরবর্তীতে বিডার পণ্য দেখতে পারেনি বা গুণগত মান নিশ্চিত হতে পারেনি এ কারণে জামানতের পে-অর্ডার ফেরতের আবেদন গ্রহণযোগ্য হবে না।
- ২৪। বর্ণিত শর্তাবলী অনুযায়ী নিলামে অংশগ্রহণে সম্মত হলে দরপত্র দাতাগণ সিডিউলের শর্তাবলীর নিচে স্বাক্ষর (জাতীয় পরিচয় পত্রে প্রদত্ত স্বাক্ষরের অনুরূপ) করবেন। অন্যথায় দরপত্র বাতিল বলে গণ্য হবে। বামের মুখ অবশ্যই সীল গালায়ুক্ত অথবা গাম/আঠা দ্বারা বন্ধ সীটানো থাকবে।
- ২৫। পে-অর্ডারসহ অন্য কোন দলিলাদি মিথ্যা বা জাল প্রমাণিত হলে উক্ত ব্যক্তি/প্রতিষ্ঠানের বিরুদ্ধে প্রচলিত ফৌজদারী কার্যবিধি অনুযায়ী ব্যবস্থা গ্রহণ করা হবে।
- ২৬। পাতীর পুরাতন ব্যবহৃত যন্ত্রাংশ দরপত্রের ক্ষেত্রে স্বীকৃত রিপেয়ারিং ও সার্ভিসিং হিসেবে মুসক নিবন্ধন, টিআইএন ও ট্রেড লাইসেন্স থাকতে হবে। এতদসংশ্লিষ্ট কাগজপত্র ও দলিলাদি দরপত্রের সাথে দাখিল করতে হবে। ক্যাটালগে বর্ণিত অন্যান্য শর্তাবলী পালন করতে হবে।

### নিলাম সিডিউল এবং ক্যাটালগ ক্রয়ের নির্ধারিত তারিখ ও সময়ঃ

২৭। ক্যাটালগ ও সিডিউল ২৪/০৪/২০২২ খ্রি. হতে ১৭/০৫/২০২২ খ্রি. পর্যন্ত অফিস চলাকালীন সময়ে ১) কাস্টম হাউস, আইসিডি, কমলাপুর, ঢাকা; ২) কাস্টম হাউস, ঢাকা; ৩) কাস্টমস এন্ডাইজ ও ভ্যাট কমিশনারেট, ঢাকা (দক্ষিণ) ঢাকা; ৪) বৃহৎ করদাতা ইউনিট, মূল্য সংযোজন করা (এলটিইউ-ভ্যাট), ঢাকা; ৫) কাস্টমস এন্ডাইজ ও ভ্যাট কমিশনারেট, ঢাকা (পূর্ব) ঢাকা; এবং ৬) নিলামকারীর অফিস হতে ক্যাটালগ ৫০০/- (পাঁচশত) টাকা (অফেরতযোগ্য) ও দরপত্রের সিডিউল ১০০/- (একশত) টাকা (অফেরতযোগ্য) মূল্য পরিশোধপূর্বক সংগ্রহ করা যাবে। এছাড়া ক্যাটালগ ও সিডিউল এর কপি এ দস্তরের ওয়েবসাইট ([www.chicd.gov.bd](http://www.chicd.gov.bd)) হতে ২৪/০৪/২০২২ খ্রি. হতে ১৭/০৫/২০২২ খ্রি. পর্যন্ত ডাউনলোড করে যথাযথভাবে পূরণপূর্বক নিলাম অনুষ্ঠানের দিন নির্ধারিত স্থানে রক্ষিত দরপত্রে বাস্তবে দাখিল করা যাবে। ওয়েবসাইট হতে ডাউনলোডকৃত ক্যাটালগ ৫০০/- (পাঁচশত) টাকা (অফেরতযোগ্য) ও দরপত্রের সিডিউল ১০০/- (একশত) টাকা (অফেরতযোগ্য) এর মূল্য বাবদ মোট ৬০০/- টাকার একটি পে-অর্ডার সরকারি নিলামকারী মেসার্স আছমান সিভিকোএট এর অনুকূলে দরপত্রের সাথে দাখিল করতে হবে।

### পণ্য পরিদর্শনের তারিখ ও সময়ঃ

- ২৮। ক্যাটালগে বর্ণিত যে সকল পণ্য লটভুক্ত করা হয়েছে সে সকল পণ্য ১১/০৫/২০২২ খ্রি. সকাল ১০.০০ টা হতে বিকাল ২.০০ টা পর্যন্ত সরকারি নিলামকারী / কাস্টম হাউস, আইসিডি এর নিলাম শাখায় যোগাযোগ মাধ্যমে পরিদর্শন করা যাবে।

### দরপত্র দাখিল ও খোলার তারিখ ও সময়ঃ

- ২৯। সীলগালাকৃত দরপত্র আগামী ১৭/০৫/২০২২ খ্রি. সকাল ১০:০০ টা হতে বেলা ০২:০০ টা পর্যন্ত ১) কাস্টম হাউস, আইসিডি, কমলাপুর, ঢাকা; ২) কমিশনার, কাস্টমস, এন্ডাইজ ও ভ্যাট কমিশনারেট, ঢাকা (দক্ষিণ), ঢাকা; ৩) কাস্টম হাউস, ঢাকা; ৪) কমিশনার, কাস্টমস, এন্ডাইজ ও ভ্যাট কমিশনারেট, ঢাকা (পূর্ব), ঢাকা; ৫) বৃহৎ করদাতা ইউনিট, মূল্য সংযোজন করা (এলটিইউ-ভ্যাট), ঢাকা; এর দস্তরে রক্ষিত টেন্ডার বাস্তবে দাখিল করা যাবে এবং পরের কার্যদিবসে অর্থাৎ ১৮/০৫/২০২২ খ্রি. বেলা ০২:০০ টার সময় অস্থায়ী দরদাতাগণের উপস্থিতিতে কাস্টম হাউস আইসিডি এর সম্মেলন কক্ষে নিলাম কমিটির উপস্থিতিতে (যদি দরদাতা/তাদের প্রতিনিধিদের কোন ব্যক্তি উপস্থিত থাকেন) দরপত্র/বাগ্ন উন্মুক্ত করা হবে।

সরকারি নিলামকারী  
মেসার্স আছমান সিভিকোএট এর স্বাক্ষর  
(দরপত্র উন্মুক্ত করণের পর)

রাজস্ব কর্মকর্তা, (নিলাম)  
কাস্টম হাউস আইসিডি, ঢাকা।  
(দরপত্র উন্মুক্ত করণের পর)

দরদাতার স্বাক্ষর  
(দরপত্র প্রদানের পূর্বে)